

卷九



書名 庾開府集十二卷 明新安汪氏刊本
 撰者 北周 庾信 撰, 明 汪士賢 校
 卷 卷九
 內容分類 集-別集-漢魏六朝-北周
 索書號 仁井田-集- N4002
 編號 D7114600

[彩色首頁1](#)

[東洋文化研究所漢籍目錄 編號: D7114600](#)

[東洋文化研究所漢籍目錄所載漢籍善本全文影像資料庫 索書號: 仁井田-集-N4002](#)

[漢籍善本全文影像資料庫文本庾開府集十二卷 明新安汪氏刊本](#)
 版權所有: [東京大學 東洋文化研究所](#)

[使用上的注意事項](#)

庾開府集卷第一

賦

三月三日華林園馬射賦

并序

周 新野庾 信著
 明 新安汪士賢校

臣 堯以仲春之月刻玉而遊河舜以甲子之朝披
 圖 巡洛夏后瑤臺之上或御二龍周王玄圃之前
 猶 駿我大周之創業也南正司天北正司地平
 之 亂定三危之罪雲紀御官鳥司從職皇王有

1 2 3 4 5 6 7 8 9 10 1 2 3 4 5 6 7 8 9 10







度關府集卷第九

仁濟四博古遺愛

周 新野庾 信著

明 新安汪士賢校

碑

陝州弘農郡五張寺經藏碑

蓋聞如來說法萬萬恒沙菩薩轉輪生生世界豈直

優波提舍祇夜脩多而已哉是以熙連禪河質多羅

樹七處八會三清一作清是四說皮紙骨筆木葉山花象

負之所未勝龍藏之所不盡一作蓋雖復銀函東度金

豐南翻秦景逌傳竺蘭私記譬猶得海水之一珠不
下崐山之片玉若夫人雲深藏師子雷音梵志往生
聲聞說戒雪山羅漢之論鷲嶺菩提之法本無極際
何可勝言弘農五張寺者南陽張元高寓居此地昔
者千金之族見徙五陵大姓之民移家六郡蓋其流
也元高五子負荷遺訓離經辨志並是成名入室生
光咸能顯德加以尊承慧業敬受法門兄弟同居共
捨爲寺伽藍肇建即以五張爲名是知城居趙信仍
名趙信之城殿入蕭何即號蕭何之殿加以象焉無

恡衣裘是捨

一作捨

春園柳路變入禪林蠶月霜津迴

成定水平輿雖盛豈可獨擅二龍扶風最良不得專

稱五馬寺主三藏大法師法映

一作法映法師

邑主洛州刺

史張隆等財行法擅

一作財行壇

身心罄竭兼化鄉邑道

俗數千敬造一功德輪見成三百餘部 雷書金繩

金檢削之蒸粟之簡裝酸棗之珠並入香城咸封禪

閣坐堂伏檻羗

一作羗

非湘水之神綠房紫的足擬恭

王之殿高掌西望長河北臨昇氣常浮爐煙咸起戶

牖寥廓吹萬龍門

一無門字

之風梁棟崢嶸落客

二字一作實

河源之樹僧徒雲集不遠燉煌之城學侶相奔更合
華陰之市兩陝昔分實基王化二陵今阻翻馳羽檄
虞公屋產交亂風塵召伯甘棠凋零霜落雖復兼能
共治未遣渡河之獸烽析是警實擾移關之民是以
法王御世天人論道汲引四流周圓五怖故能調伏
怨憎消除結縛法水津梁得無砥柱之難香山轍迹
非復終南之險天子命我試守此邦墨竈未黔孔席
無暖纔臨都尉之境即有樓船之役既而南風不競
北道言旋幕府旣開邦君且止鄉俗嗜老依然此別

屬茲法事須余制文聊以課虛爲銘云爾

舍衛之國祇洹之園三明極地八會窮源連河競說
勝辨爭論波提東度祗夜南翻非空即色離有無言
達人止是獨悟重昏身雖繫鳥疑作馬心避騰猿禪樓

却月義殿翔鷗迴風香蓋反露珠幡西臨砥柱東背

輾轅河鳴陽硤山嚮漢嚮書嚮通用蘇門翔禽歌嘒流澗絃

喧度河餘獸移關舊村昔爲畿服今成塞垣城疑廣

武地似煩樓燿烽並照象馬單奔無鍾襲莒有雨一作

兩園原不資十方誰釋三一作怨風傾地柱火及天

元銀鈎未固金牒長存封君馬首方事南蕃言從陽

僕請謝劉昆

用後漢劉昆虎渡河事正應前句英華誤改作現

周上柱國齊王憲神道碑

昔者軒皇受姓十有四人周室先封十有五國自爾承基纂胄保姓受氏雖復千年一聖終是百世同宗故知昔之東京既稱大一作炎漢再受今之周曆即是一作漢再受今之周曆即是

豐都中興公諱憲字毗賀突恒州武川人也晉太康

之世

一作始

據有黃龍魏孝昌之初奄荒玄菟太祖以

百二諸侯三分天下函谷先登鴻溝大定功業如此

人臣以終公含章天挺命世誕生降太一之神下文

昌之宿珠角擅竒山庭表德儀範清冷風神軒舉聳

動廊廟光華城闕未逾韶齒已議論天下事人或曰

是謂弱水一枝

十二字一作天下衣裘裳先能問曰是問謂若水一枝

旁陰數

國長河一直自然千里風飈欲遠光景將昇後魏二

年封涪城縣開國公時年五歲也虹蜺蒲野是廢當

途之高鸞鶩鳴岐實始維新之命國家光宅受圖欽

明秉曆大風初卷長沙始封周元年進爵安城郡公

食邑二千戶仍授使持節驃騎大將軍開府儀同三

司開府同於馬駿秩擬六卿驃騎等於劉蒼位高三
事宗子維城彼多慙色武城二年授使持節大將軍

都督益壽寧

周書作益寧巴瀘

等二十四州諸軍事益州刺

史改封齊國公食邑萬戶公時年十有六王武子以
上將開府未滿立年荀中郎爲十州都督才踰弱冠
方之於公已爲老矣加復營丘負海齊桓公受賑之
城岷山導江漢武帝求仙之地自非名陵孤竹聲振
沉黎豈得南至穆陵西登積石幸無白虎之患寧待
黃龍之盟邛笮畏威微盧仰德生爲立廟列石頌功

成都有文翁之祀非謂生前漢陽有諸葛之碑止論

身後比之今日豈可同年而語哉保定四年與大司

馬蜀國公圍金墉城師臨洛浦則廣武營奔兵上印

山則河橋路斷八川風俗五方名利鐵市銅街風飛

塵起天和元年徵還行雍牧公以日月之明威神其

政漆沮旣從荆岐即又少陽用事路不喘牛仲秋以

殷民無驚水二年拜大司馬仍理

一作厘

小冢宰營室

殿軍器太監天官以邦國爲基是司六典夏官以兵

戈爲主專謀七德是以器械填委旣包吳漢之功宮

殿崢嶸彌狀蕭何之法時以白露涼風務閑農隙督
兵三萬出自宜陽拔伏龍之城平姚萇之壘馬陵削
樹魏將路窮平陰聽烏齊師其遁天子冢第禮絕群
公仁義所徃事資道德建德元年進爵爲王仍拜大
冢宰姬旦封於曲阜不廢居中劉交國於彭陽無妨
常從豈直周召二南並居師傅晉鄭兩國俱爲卿士
而已哉匈奴突於武川燿火通於灞上公述職巡御
治兵朔方馬邑星飛一作迴龍城月動撓留犁出漢書匈奴傳
一作滿之酒經畧不前失煙支之山下馬而去東隣
桃非

逆命反道敗德囚箕子於寒庫罵文王於王門天子

將有孟津之師召公獨議公報以誕應天命克成

勲昔者秦昭起師於蜀直問張儀晉武用兵於吳惟

謀羊祐於是中軍無師僉曰有歸五年拜上柱國元

戎東討給王鐵騎二萬先襲太原一作并州斗建麾兵天

離轉戰虎嘯風騰雲飛電掩林胡棗栗詎得充饑晉

陽荻蒿何能拒防又加王精兵六萬長圍晉州然後

六軍星陳萬騎雷動中權始及前茅已戰自爾即爲

前鋒橫行入鄴觀彼車絙槐本馬驚旋濘積甲高昆

陽之城尸封塞富平之水莫不如彼建瓴同斯破竹
 一朝指揮六合大定是用光昭下武翼亮中都足以
 攄祖宗之宿憤解生民之怨黷疑作方當待彼石閭
 部斯玉鼓經緯天地光華日月既而赤鳥夾日黃熊
 入寢實沉無祀桑林不祭宣政元年六月二十八日
 薨春秋三十有四季友之亡魯可知矣齊喪子雅姜
 其危哉公噐一作宇淹曠風神透遠璣鏡照林山河
 容納置樽待酌懸鍾聽扣聲動天下光照四鄰武皇
 帝以介弟懿親特垂愛友而密謀奇策加禮敬焉常

謂左右曰孔子云自吾有回門人日親其齊王之謂
 也用之作宰則萬方協和用之撫軍則四表懾伏豈
 直臯繇為士國無不仁隨曾為卿民無群盜愛翫書
 籍敦崇禮樂一作管絃入耳則溪谷俱調文雅沿心
 則煙霞並韻養由百發落鴈吟猿應奉五行綿緗縹
 帙雍容舉止抑揚談論當世以為楷模措紳以為軌
 範則少有壯志頗校兵書玄水降靈穀城授策飛風
 長柳月角星眉莫不吟誦在心撰成於手所著兵法
 凡有五卷六韜九法一作不用吳起舊書三今五申

無勞孫武先誠可謂有忠孝焉有壯武焉不自驕矜

兼疑作謙光下物宋人獻王不貪為寶百成子高守仁

為富不謂以信致欺為善非樂天年不享嗚呼哀哉

以其年月日葬于石安縣洪瀆川之里原隰悽愴埋

於盛德幾年丘陵摧落蘊於才良永矣乃為銘曰

悠哉朔方逝矣窮陰山連鳥道一作羽地盡龜林重黎

業大伯翳功深胄其積德必有君臨太祖撥亂喪君

有君一作有功實君功非迴地軸策動天文猶臨赤水尚復黃

雲諸侯八百天下三分公之挺生寔惟天假翠微臣

疑作神降文昌星下照于四國充于兩杜左傳作問舟于兩杜

檝江河棟梁華夏水通詞鋒風飛文雅純深之性地

一作義極天經忠貞之道事感百靈君親惟一臣子惟

寧忠泉出井孝筭生庭乃宰天官為國之輔是居上

將為天之柱乃聖乃神惟文惟武策高開闢威移雲

雨九宮神畧三術謨明天離轉陣月德迴兵黎陽水

駭官渡山驚冀州既載東原底平溟波欲運弱木將

危中峰岳斷半海鵬垂鳳沉丹穴龍亡黑陂臨淄廢

市東武山移千齡萬古英聲在斯

周太子少保步陸碑

公諱逞字季明本姓陸吳郡一有人也君子至止既

紹虞賓鳳凰于飛實興齊國南越使者解漢帝之衣

西陵將軍覆吳王之蓋曾祖載為宋王司馬留鎮關

中赫連之亂伏劔魏室黃河叅陵或亡追路烏江艤

船更無歸迹今為河南洛陽人也高祖冠軍將軍榮

州刺史吳人有降附者悉領為別軍自是官師擁鐸

更為吳越之兵君子習流別有樓船之陣父政驃騎

大將軍儀同三司恒州刺史中都獻公太祖扶危濟

傾經綸夷阻報君之恥遠襲平原以高平霸業所基

委命留事關中餽食非直滎陽之師河內供軍豈但

淇園之竹公秉照晉之靈降明神之德猛虎振檻七

年不驚羝羊觸藩九齡能對諸兄以公先君愛子稱

之曰仁推而襲封雖復季末大成之心守節疑有既

遭燠穴翻從壓紐太祖初封咸谷始合諸侯以公詞

今叅謀機密故得戎政克宣師言無漏賜姓步陸孤

氏委鹿輅而論都入鴻門而舞劍方之吹律綽有餘

榮出身羽林監輕車將軍除尚書右丞官聯會計務

殷平隼水衡貫朽常平粟紅授使持節車騎大將軍
儀同三司增邑千戶尋常駕部中大夫領兵部中大
夫領蕃部疑東京鼎實先加鄧騭之勲西晉官人多
用山濤之啓豈若五王登朝必司賓主之禮六龍御
轡取定鸞和之節御正以官觸父名不拜會稽有王
會之名其子不爲太守博陵有王沉之封其兒不爲
刺史遷驃騎大將軍開府入掌納言治司宗伯又爲
軍司馬職居常伯勤問於南宮位管王言連官於北
斗豈止郊天祀地龍門嶰谷之聲贊鼓頌旗白露涼

風之月闇夜有人餉羅數十匹公閉門不受行人干

觸具以聞奏朝野稱之大尉楊震高疑作直推故吏之

金涼州張奐高揖故人之馬清畏人知我無慙德齊

國通和封人受使以公有出境之才見命張檀之禮

旣珠盤軟血定楚國之連名七首登壇反齊人之侵

地是謂使乎國稱光國久疑輔公侯五陵鍾鼎桐街

柳市塵起風飛乃授京兆尹增邑通前一千六百戶

餘官如故上林兵息蘭池盜靜不學王陽平生鑄金

之術未同張敞終日章臺之遊家僮暮行還得遺錢

於道并白紵十匹公訪得其主即以還之見金於路
指以示人得錢於道留持樹樹方之今日異代同風
俄遷司會治小司馬重摠六軍再操八柄考績入於
歲成論功書之年表尋授宜州諸軍事宜州刺史露
冕觀風停車待雨百城解印憚朱穆之威千里相迎
受王基之德曾未朞月被勅追還眷眷吏民不無河
內之請依依故老實念黎陽之別少陽養德前星守
噐尊師讓齒必俟賢能乃授太子太保方之劉寔道
高於大邦疑作邦譬以山濤榮深於小輦本有消竭之

疾常餌金石自理舊疾微增奄捐館舍茂陵之下不
留封禪之書校尉之營惟餘服食之噐嗚呼哀哉春
秋四十有七建德二年五月十一日也天子以大臣
之喪躬輟聰訟東朝以師傅之尊親臨攢祭詔贈某
官本傳作贈大將軍謚某公禮也以今三年正月十日葬於

京兆之高陽原夫人郁久閭西遇王姬受敬肅恭言
容令淑有聞箴爨無廢紘緹爰在盛年先從大夜今
節婦開墳松柏已拱季孫成寢丘陵始同况復圖畫
賢妃一作姻方在甘泉之室瘞理才子即用高陽之原

公儀表外明風神內照器量深沉諧基不測事君惟
忠事親惟孝言爲世範行爲士則晉連墳素怡悵文
詞霜府錄於尚書天官總於司會出入匡贊常帶數
職身具六龜腰恒四緩陳平密謀旣非天子所見荀
彘上策又非諸侯所聞其爲郡也惟取赤土封書其
爲州也唯以青鹽換粟留家則千樹無資遺子則一
經而已嫡子操至性過禮純孝不遺墳前之樹染淚
者先枯庭際之禽聞悲者則下銘曰

山連日觀水枕滇機富春沙起開陽柱飛大夫屈節

將軍振威南越受吏西陵解圍昔我烈祖垂翅秦中

白馬無路烏江不通笛吟鄉里琴哀土風營州恒州

擁旄世載壯節旃矜人雄關塞直河穿趙平雲臨代

生謂立功沒爲留愛降茲岳瀆誕此貞明祥符雲氣

慶合星精宮惟定策殿柱書名忠泉暗漏孝筭寒生

世屬殷周時逢楚漢天下三分鴻溝一半以我明畧

來叅匡贊日乃再中天成兩旦遞叅三事歷副六鄉

天師一作司光宅地載謨明春官定禮夏官治兵讖言

默識温樹無名謙恭周密言行無乖忠公兕殪陰德

地埋軍國紛總部領瑱塔一作借馬不入廐金不入懷

具瞻惟德高山惟仰申觀初登龍樓初上東國恒榮

西京踈廣年齡俄傾風電相推銘旌兩沒池柳雙迴

熒熒胤子御一作御疾銜哀身彰野火心懼天雷日月

其除榮終哀始馬歸司隸書還太史曆對天星墳連

地市山勢接飛松形蓋起德音無絕平原忽矣

周大將軍崔說周書神道碑

公諱說字某博陵郡安平縣人也昔者華陽之野降

龍首之神烈山之都啓龜文之繇匡周則盟津有會

佐夏則龍門始鑿西遊則起家秦相東入則載世齊

卿備平史籍可得言矣祖辨中軍將軍魏書北史並作安南將軍

定州刺史父楷鎮北將軍司馬魏書周書北史並作驃騎將軍開府儀同

三烈侯並厲風霜俱張鋒穎邸史疊迹官曹凜然是

謂鮑恢都官百城振懼葛豐握節京師歛手公特稟

英靈偏鍾山岳雄姿俊茂眉目踈朗觀虎於檻齧髮

不驚稱象於船勝衣能對至於拉虎羈一作押熊摧班

碎掌忘歸繁弱落鴈吟援故得氣蓋關中威申河外

解揭領軍府錄事轉諮議叅軍時當塗失御政在權

門始論函谷之兵即起韓陵之戰太師賀拔勝作牧
西荆公爲假節冠軍將軍防城都督夫疑作及南陽失
守卷甲奔梁樂毅羈旅猶思燕路陳軫愴悽終戀秦
聲幸值和隣言歸舊國授衛將軍都督封安昌縣開
國子食邑三百戶弘農尅復沙苑揮鋒進爵爲侯增
邑并前一千一百戶信珪則更受司勳穀瑩則還輸
典瑞鐵馬有河橋之戰戈船有汾水之兵除京兆太
守移民下邑未學邊韶走馬章臺不同張敞遷帥都
督持節撫軍通直散騎常侍大都督 使持節車

騎大將軍儀同三司都官尚書定州大中正五曹奏
事有朱穆之忠九品論人見楊喬之直改封安國縣
侯益邑合前一千四百戶賜姓宇文改名爲說漢王
改婁敬之族事重論都魏后變程昱之名恩深捧日

遷車

周書北史作驃

騎大將軍開府儀同三司加侍中竇憲

連官單于之寶鼎可致張寬固位渭橋之流星可識
司木七上旣掌丘陵之賦司會六典乃均邦政之才
居官得人於斯爲盛進爵爲公改封萬年縣通前二
千四百戶除隴州刺史都督隴州諸軍事隴坻路遥

秦川望遠鄧仲華之不去馬文淵之願歸尋除涼州
 刺史總督河西并瓜諸軍事地似伏龍城如飛鳥燉
 煌實錄宛在曾襟玉門亭障無勞圖畫有馬如羊不
 以入廐有金如粟不以入懷柱國齊王今上之介第
 龔行薄伐問罪河陽以公為行軍長史參謀帷幄中
 軍之司既舉魏絳上卿之佐實用荀林以公方之差
 無慙德周書有軍還二字除使持節大將軍大都督崇德安
 義建忠九曲安樂三泉伏流周張平泉固安蠻通谷

凡十三防禦熊和中

周書如此按隋地理志陸渾曰和州新安置中悞今比史志後

周時宜陽曰熊作能和中未詳英華作天而中作三州黃蘆起谷王晏供超

牽羊温狐交河大嶺避雨水柵寺一十成諸軍崇德
 防主宜陽上地更有秦兵熊耳山前還逢積伏用是
 連營函谷獵騎黎陽威振兩河有陵三晉改封安平
 縣公淮陰一國韓信之故人戶牖萬家陳平之鄉里
 公此衣錦足為連類建德四年正月十日薨於長安
 之永貴里私第春秋六十有四詔贈敷周書作延丹
 綏恒周書作長五州諸軍事敷州刺史謚曰莊公禮也即
 以其年二月二十四日塋于京兆平原鄉之吉遷里

北陵追遠大司馬有賜綬之恩西京贈行冠軍侯有
詔葬之禮嗚呼哀哉世子儀同行生事以禮死葬以
禮愛親有王祥之孝同氣有姜肱之睦百行之本於
斯備焉况復松楸深沉旣封青石之墓丘陵標榜湏
勒黃金之碑乃爲銘曰

華陽之神厲山之祖鳳野匡周龍門佐禹日浴溟池
山浮海浦甫穆霸國營丘樂土胤斯宗邑承此壤王
移封東武就君安陽中軍節呂鎮北芒鋒商飈獵草
電火驅霜公之輪煥繼體貞幹儀表丘墟風神墻岸

孝有至德忠能臣贊不廢橫琴無妨歌案旣班三事
又貳六官衛青受詔韓信登壇長城馬窟廣武兵欄
軍吏無犯管民不寒乃用六謀乃論三策城壘向背
星辰主客劔起沉犀弓開伏石楚后讓盟秦君還壁
百齡危脆千仞摧藏諸侯地裂邊將星亡輕車騎士
玄甲黃腸杜如齊地廟似桐鄉銘功贊德碑闕相望

周大將軍司馬裔碑

公諱裔字遵胤河內温人也昔顓頊之命始則南正
司天重黎之後又以羲和掌曆夏陽適晉隨會而

同奔東海避秦與毛公而俱隱其後金行受命王笥
南遷帝系極於東圖中朝至于江表魯祖楚之晉太
傳錄尚書楊川收會稽文孝王之次子元顯之幼弟
也元顯見害之後栢玄莫逆之初爰自齟齬客身屠
釣河內道左抱劔長號代郡城前慟悲靈祭江淮志
節之士汝穎風塵之客感激一言咸多依附旣而雲
生伏龜星出鯨魚太白經大蚩尤映公乃收合餘
燼泣血登碑臨武牢之關據成臯之坂擁衆萬家歸
于魏室明元皇帝遙授平南大將軍荊州刺史襲

封瑯琊郡王尚河內公主命王承制從賓國之儀于

時宋兵憑凌旗鼓侵逼虎牢不封金墉無援魏太武
皇帝授王使持節侍中安南大將軍開封儀同三司
給前後部鼓吹兄城啓行志雪寃耻登壇慷慨三軍
掩泣黃河漕粟已出石門仕馬連旗將臨野坂旣而
雲中析起代郡烽燃反旆南轅途窮北畧贈征西大
將軍都督梁益秦寧荆交青豫郢洛十州諸軍事楊
州牧司徒謚貞王祖金龍封瑯琊鎮西大將軍儀同
三司吏部尚書贈司空謚康王父悅鎮南將軍豫州

刺史漁陽莊侯

周書北史
並作子

以荆河刺舉時值亂離釁

起蕭墻遂終非命公遺腹載誕流離冠逆復壁糧負
深山擁樹程嬰之匿趙武從役家臣王成之藏李燮
為傭酒市遭大夫人憂苦草墳塋以終灰燼形骸毀
瘠逾於喪禮年十有五始幹家事楹前鑿柱即取遺
書石上開松仍求故劍出身司徒府叅軍除中堅將
軍員外散騎常侍值魏室多難所在烽起孟津以北
無復封畿高山已南即為鋒鏑公建議脩武立柵温
城函谷而封河橋北斷長亭籍馬並入武城百里祖

車咸輸温縣太祖文帝締構關都經綸夷阻招携以

禮懷遠以德馬文淵之擇主去瓏珉而歸身實周公

之入朝在河西而奉詔大統七年蒙授平東將軍北

徐州刺史十年河内故義四千餘家願立忠誠須公

衣錦乃授使持節領河内太守加前將軍懷州拓境

兩鎮奔波柳泉轉戰三城授首十三

周書北史
並作五

年太

祖召山東諸立義之將能率眾入關者有加重賞公

率先而至領戶千室即以爲封固辭不受其菽粟之

賜或以指困馬牛之賞將同量谷朝廷以華陽西極

漢水東流歎孟達之奔兵怪劉封之失策魏前元年移鎮漢中除白馬城主領華陽郡守者昔稱導漢今聞上瀦烟沉冰井雨歇雲門其年授大都督加散騎常侍柱國蜀國公開金牛之道通牧馬之關公卷甲北塞懸軍束馬遂得策預葭胡勳叅綿竹封龍門縣開國子蒲州刺史仍領新州尋授使持節車騎大將軍儀同三司大中正隆周授圖天保大定以公才望仍爲舊臣遂乃義深追遠恩隆繼絕卽改封瑯琊縣公邑五百戶仍遷驃騎大將軍開府儀同三司都督

巴州諸軍事巴州刺史武成二年被勅赴援信州魚復道阻屢却岑彭荆門水急幾沉吳漢公乃月峽先登瞿唐直上天子以公操履忠勤儀刑亮直乃徵爲大御伯尋轉大御正邑一千一百戶樞機近侍出納絲言所謂多識舊章殿中無雙者矣四年大將軍東討公所領義衆先守和關授都督懷州諸軍事懷州刺史偃師張幕河陽牧馬雖接戰於富平已連營於官渡五年詔追還拜始州刺史更封信州賊山彰尋寶渝恃險峽路五尺絙釣纜通縣水三門橋飛濟渡

既而風行草偃谷靜山空前後平十一城獲九千餘口馬歸平樂金輸人衡天保二年除信州刺史都督信州諸軍事朝發白帝幕宿江陵氣振巴丘之兵威警建平之戍五年遷潼州刺史益州柱國公降帝子之重鎮天井之星延閣擬於叢臺岷山方於代郡公仰稟雄謀參謀遠畧故得身預舞陽之功位極長平之寵六年授使持節大將軍大都督西寧州諸軍事西寧州刺史方欲關沫若徼犍犍見夜郎之候習昆彌之戰而飛鳶墮水馬援去而無歸金馬騁光王褒

行而不反嗚呼哀哉七年正月十日薨春秋六十有五詔贈使持節大將軍懷邠汾晉四州諸軍事懷州刺史夫人襄城公主魏獻帝之曾孫趙穆王季女王姬肅恭榆翟禮典四教競一作競莊三星令淑有光隆慮之賢足表平陽之盛生則從夫以秩死則同穴以禮建德元年八月十二日合葬以武公三時原大夫墓樹以栢諸侯墳高於雉于嗟滕公來居此里詔謚定公禮也公資忠履孝蘊義懷仁直幹千尋澄波萬頃逢蒙射法力牧兵書星辰高下之占風雨逢迎之

氣故得師出以律天幸將軍者也至如官曹案牘未
常煩壅戎馬交馳不妨餘裕足使四岳彌峻三台更
明在朝四十一年身經一百餘戰凡任四郡歷八州
未嘗以貨殖經懷去如始至謂南千畝之竹更懼盈
蒲池陽三頃之田常思止足身歿之日家無餘財素
車白馬狹室崎嶇黃腸玄甲堦庭仄陋有詔冬官爲
營寢室朱邑祭酹無所漢后是以賜金陳表妻子露
立吳王爲之開館嗚呼哀哉世子侃孝家忠國揚忠
顯親是以勒此豐碑懼從陵谷殖之松柏不忍凋枯

銘曰

欽若曆象平秩寅賓少梁奔華地入咸秦族夷興馬
書窮獲麟玉鏡云始金行乃構象浦通關龍沙開候
上糝石起河陽水鬪五馬南浮三星東宿大傳作牧
奄有江沔司徒避辭承制荆河南勞推轂猶思枕戈
龍媒被野蒼哭凌波莊侯季年禍機相接誕公遺嗣
崎嶇懷挾山竄趙武家藏李燮伍員道阻燕丹路遙
南奔楚塞北避秦橋水流登壠寒風度遼有功都護
則重嫖姚懷書上馬習禮從戎陣圖六甲兵占八風

藏松寶劔射柳瑀弓推誠賈復屈節廉公八翼煩飛
六循疑作亟秉勇此仁義行茲寬猛持印山開沉黎
盜靜取甲無丘均田不井懋功賜爵上將賞官軍中
受詔塞外登壇方屠叅合更鑿臯蘭渝川毒水燹道
災氛地亡都尉灘悲使君谷寒無日山空足雲北風
吹旄秋霖泣軍遣奠雙設銘旌兩布泌水同墳平陽
合墓悲哀嗣子攀號靡訴慟甚風枝悲深霜露自此
何世從斯幾年麒麟欲鬪華表中燃地形樓起松心
蓋圓茫茫丘壠代代英賢

周柱國大將軍拓拔險神道碑

蓋聞放助立而義和昇重華登而元凱用思皇多士
既成西伯之功俊德克明乃定南巢之伐是知惟賢
非后弗食惟后非賢弗又若夫君臣一德啓心沃心
見之昌寧文公矣公諱儉字慶明周書北史並作恒
儉本名慶名

州高陸人也北岳天孫之星燕河帝子之國故多奇
節甚茂華風高闕圖南二王齊軫長城拔本十族分
源高祖大尉北平王光輔五君允釐百揆恒衛既從
淮沂其又祖豹龍驤將軍恒州刺史常山刺舉非無

取代之符龍驤總戎或似乎吳之號父北史年止

弱冠榮終解印公以五常蘊智六氣資德乘天則策

馬秉靈降神則牽狼應象直心於物水火恬然無負

於天雷霆不懼富貴自取豈資唐華疑作舉之言聲名

有聞無勞李膺之識年十八解褐員外散騎侍郎尋

授輕車將軍羽林監太祖文皇帝駕馭天綱苞羅英

傑選公才德光佐中書諸葛亮之西歸王壘成三分

之業管夷吾之入仕葵丘有一匡之功天水黠羗漁

陽群盜乃遷秦州刺史長史防城大都督封信都縣

開國伯三年滑州蟻聚保 命靡旗亂輒乘冰渡

河丞相大行臺授假節撫軍行滑州刺史大統元年

授持節東夏州刺史加散騎常侍印支抱馬如聞耿

秉之戰單于願識似畏王商之威五年遷使持節鎮

東將軍都督東北三夏氏諸軍事西夏州刺史增邑

千戶改伯為公既而江漢遼遠車書寂寞蜀主的顛

未出檀溪之水秦王飛雉猶向南陽之城六年以公

為使持節都督三荆三襄南雍平信江隨郢浙一十

二州諸軍事荊州刺史東南道行臺僕射楚城隣境

實有讓田吳人對營無妨贈藥部內屬城爲人所訟
公遂集文武肉袒自罰兄弟不讓延壽責躬吏民有
過翁歸引咎天子異之璽書勞問贈賄加幣王人接
踵大丞相書云此之美事耳目之所未經歎尚無極
故遺疑作遺專使公善於撫馭長於接引山藪無棄苞
苴不行示人赤心與人顏色盜不敢發民不忍欺至
是將校耆老於州城之南起清政之樓北史作清德樓勒賢
臣之頌杜鎮南之作牧當世樹寶車騎之臨戎生
年刻石方之今日彼獨何人于時戶口日增荒萊畢

墾華實紛敷黔黎茂豫但恐衮職有關待公而補鼎
鼐未和須公而正是以漢民陰望荆南杞梓竝皆上
書詣關連名乞留河內之借寇恂更慙謁帝交州之
請士燮還著上表九年授車騎大將軍儀同三司十
二年除大行臺尚書仍爲大丞相司馬以公識度嚴
明志節清儉遂改公名儉字慶明非圖書月詎待看
碑幸得千畝不同二山無廢十三年加開府餘官如
故十四年除尚書右僕射加侍中進驃騎大將軍居
上星執法在文昌之位以公才望兼而有之十五年

更除東南道行臺僕射都督十五州諸軍事行荊州
事十六年大丞相總十六軍尅清河洛公又中分麾
不叅謀幃幄高選霸僚公爲長史其年加都督南道
三十六州諸軍事餘官如故南陽文學更遇王基章
華衮衣還迎郭賀昔日伐蜀之謀張儀與秦昭計合
平吳之利羊祐與晉武意同太祖始定成都即有江
陵之志公密獻其策懸行深旨糧運久積梯衝立備
一戰而舉郢郢再戰而燒夷陵遂得席卷三荆此又
公之勲也詔賞奴婢三百口太祖與公書云由公立

荆果何所謀公頃

疑作頃公

自鎮江陵以安蜀地後魏二

年改武川昌寧郡開國公歷陽居民非惟景丹之封
曲逆戶口豈但陳平之國其年授大將軍太和之中
曹真於府內受冊元封之未衛青於軍中即拜公之
此比綽有餘榮詔曰吳人未復須助謀謨今使梁王
兵馬受公節度三年加都督東南道五十三州諸軍
事增邑萬戶維周革命光宅欽明作貳大官允諧邦
治元年授小冢宰保定二年治蒲州刺史檢校六防
諸軍事四年治襄州仍授柱國大將軍餘官如故秩

登四岳階平六府豈不功重昭陽名高蔡賜控馭五
十州風行數千里拔園葵而去織婦無三惑而絕四
知一室之中未免虛白日膳之資三杯而已詔乃賜
繒綵一千段粟麥二千斛天和元年陝州刺史都督
八州二十防諸軍事解荊州總管餘悉如故路出王
宮城臨河曲成清陝右高視棠陰部領宴煩晦明爲
疾天和四年謝病故京薨于私第春秋七十有八鑿
躡降臨軒懸轍樂九旒龍旆之錫三河騎士之送詔
贈太保涼夏靈銀長原河鄯甘瓜十州諸軍事涼州

刺史謚曰文公狀貌丘墟風神磊落玉山秀立喬松
直上烟霞之涯際莫尋江海之波瀾不測少遭荼苦
在山服終攀栢樹枯侵松獸死盡忠事國竭力從政
其門如市其心若水竒策密謀且僚仰止忠貞亮直
明主敬焉至如風后陰陽之占力牧星辰之度魏公
子之兵書李將軍之射法莫不成誦在心取爲時用
居常服翫或以布被松牀盤案之間不過桑柘石鼎
遺令山陵一無所用公私贈襚竝不得受止依太祖
陵側無忘事君塚等兄弟並至性善居喪號墓墳埏

奉遵遺訓是以衛青之塚仍陪漢武之陵管仲之墳
即接齊桓之墓天和六年天子以四海未寧三方鼎
峙有懷將帥之志言念封疆之臣既畫雲臺乃題麟
閣更贈公爲鄆國公邑五千戶追崇列碑事極神魂
再改銘旌恩隆封墓公在民留愛身後見思吉日良
辰郊祠野祭儀同趙超等六百九十七人表求立廟
陳請象魏有詔許焉桂棟杏梁綠墀青瑣按歌會舞
鳳蓋電裳南浦送而行雲東風颺而零雨是知漢陽
郡前非徒武侯之廟臨淄城下豈獨樂公之杜嗚呼

哀哉乃爲銘曰

道鍾屯剝世屬雲雷地軸左轉天關北開客車周室
繫馬秦臺乃齊七政爰答三才烈祖燮諧九龔二字疑

梁棟取才逢獵求賢入夢匡贊官雲謀猷絕疑作鳳紀

律定公族珪分職貢乃惟嗣德寔秉英靈身圖斗宿

面繞樞星青衿敬業童子離經信陵虛右干木分庭

忠孝純深樞機周密孔光不言曹叅勿失溫席扇枕

承顏悅膝凍浦魚驚寒林笋出肅肅風政沉沉噐局

直似貞筠溫如瑞玉清不置水明非舉燭馬願如羊

金須似粟上將克昇元戎既序夏陽三捷夷陵一舉
憑軾下齊凌江入楚鼎久歷室鍾歸大呂六卿咸事
天官是司二南作伯棠陰實治清風有頌綠竹聞詩
贈行之冊超然帝師昔侍蘭苑今陪杏林死生契濶
無違一心風雲積慘山障連陰陵田野寂松逕寒深
夏嬰之隴僑玄之墓馬見千年車回三步左無長樂
前非武庫直望高碑增悲行路

庾開府集卷第九終

庾開府集卷第十

周 新野庾 信著

明 新安汪士賢校

碑

周柱國大將軍紇于弘神道碑

公諱弘字廣略原州長城縣人也本姓田氏虞賓在
位基於揖讓之風鳳凰于飛紹於親賢之國論其繼
世之功則狄城有廟序其移家之治則長陵有碑况
復高廟上書小車而對 王聊城祭鳥長岳疑而驅